

Prvi zamjenik visokog predstavnika pozdravio imenovanje Šiljegovića



Prisustvujući današnjoj ceremoniji na kojoj je Boško Šiljegović imenovan na mjesto prvog vojnog komesara Parlamentarne skupštine BiH, prvi zamjenik visokog predstavnika i supervizor za Brčko distrikt, dr. Raffi Gregorian, izjavio je da je imenovanje komesara Šiljegovića “dobra vijest i za Parlamentarnu skupštinu i za oružane snage Bosne i Hercegovine (OS BiH)”.

Prvi zamjenik visokog predstavnika Gregorian je rekao da ovo imenovanje odražava “na vrlo konkretan način fundamentalnu i nepovredivu demokratsku premisu civilne kontrole nad vojskom”.

On je pohvalio komesara Šiljegovića za njegov raniji rad na funkciji predsjedavajućeg Zajedničke komisije za odbranu i sigurnost pri Parlamentarnoj skupštini BiH, te na mjestu istaknutog člana Komisije za reformu odbrane, opisavši njegovo imenovanje na mjesto vojnog komesara kao “imenovanje prave osobe za funkciju komesara”, i nekoga ko će doprinijeti ukupnoj sigurnosti ove zemlje.

“Dozvolite mi da izrazim podršku i uputim dobre želje komesaru u budućem radu, jer nemam sumnji oko toga da on može dati neprocjenjiv doprinos i kvalitetu života vojnika i odnosu Parlamenta prema OS BiH”, rekao je Gregorian.